



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa

24 Setembru 2013

Julgamentu ba kazu krime grave milísia AHI testemuña deklara la haree akontesimentu direita

Hahu 17-19 Setembru 2013, Tribunál Distritál Díli kontinua julga kazu krime kontra humanidade hasoru arguidu nain 8 ho inisial (TM, AP, ASC, MC, JdA, JP, MdA no DP). Kazu ne'e akontese iha tinan 1999, iha Distritu Aileu.

Julgamentu ba kazu krime grave ne'ebé invove milísia AHI (Aileu Hametin Integrasaun) julga konsekutivamente durante loron tolu ho agenda rona depoimentu husi testemuña sira.

Relasiona ho kazu ne'e, Ministériu Públiku lista testemuña hamutuk ema 144. Tuir JSMP ninia monitorizasaun iha testemuña nain 36 mak presta ona sira nia depoimentus iha tribunál maske nune'e husi testemuña hirak ne'e nein ida mak hatene akontesimentu ne'ebé akontese momentu ne'ebá.

Testemuña sira seluk la hatene hotu akontesimentu ne'ebé arguidu sira komete tanba iha momentu ne'eb'a sira halai hotu ona ba iha foho hodi salva sira nia aan no família.

Testemuña sira depoimenta katak loos duni arguidu hirak ne'ebé mak apresenta iha tribunál ne'e mesak membru no responsavel ativa iha organizasaun milísia AHI (Aileu Hametin Integrasaun) iha tinan 1999, ne'ebé hetan apoiu husi Tentara Nasional Indonesia (TNI) no husi *Polisi Republik Indonesia* (POLRI), maibé testemuña sira deklara katak sira haree direita ho matan involvimentu husi arguidu sira halo la hare direta se mak sunu, oho no obriga ema desloka ba iha Atambua.

"Krime kontra humanidade nu'udar krime ne'ebé ho natureza no âmbito masivu, liu-liu prejudika teb-tebes sira ne'ebé sofre direta ba krime hirak ne'e, lakon sira nia vida ka membru familia. Tanba ne'e, JSMP enkoraza Ministériu Públiku no Defensor Públiku atu identifika testemuña sira tenki ema ne'ebé iha koñesimentu direita kona-ba krime hirak ne'e", dehan Luis de Oliveira Sampaio, Direitór Ezekutivu JSMP.

Prosesu julgamentu ne'e dirije husi juis koletivu Dr. Jose Maria de Araujo, Dr. Paulo Texeira, Dr. Julio Gantes no Ministériu Públiku representa husi Dr. Luis Landim no parte defeza

representa Dr. Jose da Silva. Prosesu rona depoimentu sei kontinua ba 30 Setembru 2013, tuku 9:00 dadersan.

Atu hetan informasaun kompleitu bele kontaktu direitamente:

Luis de Oliveira Sampaio

Diretór Ezekutivu JSMP

Email: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl